

Uunga:
Inatsisartunut ilaasortaq
Aleqa Hammond
/Maani

Qaqortumi ilinniartut ineqarfiinik sanaartornissaq pillugu Aningaasaqarnermut Naalakkersuisumut Aleqa Hammondimit § 36-kkut apeqqummut akissut.

Asasara Aleqa Hammond

Aallaqqaasiullugu apeqqutigineqartumut qujavunga, imatullu apeqquteqaat nipeqarpoq:

Aningaasaqarnermut naalakkersuisup Palle Christiansen inatsisartut oqaluttarfianit oqarpoq Kujataani kollegialiortiternissaq aningaasaliiffigisassatut AIS2011-moortumut ilanngunneqanngitsoq Kujataaniit nunaminertamik sanaartorfissamik Namminersorlutik Oqartussat tunineqarumasimanngimmata. Inatsisartunut Kujataata borgmesterianit allakkat agguanneqartuni atuarneqarsinnaavoq tamanna eqqunngitsoq aammalu Namminersorlutik Oqartussat periarfissanik pingasunik tunineqarsimagaluartut qisuariarfigineqanngitsunik.

Naalakkersuisut aperissuakka aningaasaqarnermut naalakkersuisumit inatsisartut eqqunngitsumik paasissutissiivigineqarsimanersut?

Akissut:

Naamik. Inatsisartut eqqunngitsumik paasissutissinngilakka. Suliap imarisaa erseqqissaateqarfigissavara. Eqqorpoq, Qaqortumi ilinniartut ineqarfiinut nutaanik aningaasanik immikkoortitsisoqanngimmat. Tamanna pissuteqarpoq, aningaasanik sulii atorneqanngitsunik immikkoortitsisoqareernikuummat. Tassalu Qaqortumi ilinniartut ineqarfissaannik sanaartornissamut 2013 ilanngullugu aningaasanik immikkoortitsisoqarpoq.

Kalaallit Nunaanni Namminersorlutik Oqartussat Kommune Kujalliup teknikkikkut immikkoortortaarfia suleqatigalugu Qaqortumi ilinniartut ineqarfissaasa inissinneqarnissannut periarfissanik Kalaallit Nunaanni Namminersorlutik Oqartussat sinnerlugit siunnersortinik misissuisussanik atorfinitsippat.

Apeqqutigineqartumut atatillugu suliaq misissorsimavara, makkualu paasisimallugit:

Kalaallit Nunaanni Namminersorlutik Oqartussat Kommune Kujalliullu akornanni toqqaannartumik allaffigeqatigiittoqanngilaq. Taamaattorli siunnersortit kommunillu teknikkikkut immikkoortortaarfia akornanni allaffigeqatigiinneq ingerlanneqarpoq, allaffigeqatigiinnerlu taanna oqaloqatigiinnerup e-mailikkullu piumasaqaateqarfiunnginnerusumik ingerlajuarpoq. Oqaloqatigiinnerup maannamut kinguneraa, ilinniartut ineqarfissaasa inissinnissannut periarfissanik pingasunik, siunnersortinut saqqummiunneqartunik, kommune toqqaasimammat.

11. oktober 2010
Sagsnr.
Dok. Nr. 478096

Postboks 1037
3900 Nuuk
Tlf. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

Ilinniartut ineqarfiinut nutaanut inissiiffissatut siullertut siunnersuut nunaminertamiippoq, ilinniartut ineqarfiisa pioreersut Tasersuup eqqaani Kamikoorfiup eqqaaniillutik. Inissiiffissatut siunnersuutip aappaa tassaavoq, Bjerges Sti-mi inissiarsuit marluk maanakkut inissisimaffigisaat. Inissiiffissatut siunnersuutit pingajuat illoqarfiup nutaartaaniippoq, illoqarfiup qulaani qaqqami qutsissumi inissisimalluni.

Siunnersortit inissiiffissatut periarfissat Namminersorlutik Oqartussanut suli saqqummiutinningilaat, atortussat aatsaat suliarineqalermata. Tamatuma kingorna siunnersuutit Namminersorlutik Oqartussanut saqqummiunneqassapput. Taamaattorli siunnersortit imaattumik naliliigallarput:

Inissiinerup siulliup tulliatu kingunerissavaa, illup pioreersup ingitserneqarnera. Aammattaaq siunnersuutip siulliup kingunerissavaa, sulineq aallartitsinnagu ilinniartunik allamut inissiiffissaq nassaarisariaqassammat. Ilinniartunut init amigaatigineqareerput. Siunnersuutip tulliuup kingunerissavaa, najugaqartunut allamut inissiinissaq nassaarisariaqarmat.

Siunnersuutit marluusut imeqarfimmut killiliussap sanaartornermut sukannersumik malittarisassaqaqarsuup iluaniipput, sanaartornermut tamanut Kalaallit Nunaanni Namminersorlutik Oqartussani avatangiisinut oqartussaasunit immikkut akuersissuteqarnissaq piumasaqaataavoq.

Inissiiffissatut siunnersuutitut marluusunut naatsorsuutigineqarpoq, kommunip pilersaarusionerani aalajangersakkanut killiliussat iluarsaanneqassasut. Illoqarfiup ilaanut pilersaarummut siunnersuummik nutaamik suliaqartoqassaaq malittarisassat atuuttut malilugit suliarineqartussamik. Pilersaarutitut siunnersuutigineqartut suliarineri, tusarniaa-nermi piffissaq aamma akuersissuteqarnermut piffissaq avatangiisit pillugit akuersissuteqarnissaq ilanngullugit ukiup affaanik – ukiumik ataatsimik sivilissuseqassasoq nalilerneqarpoq.

Siunnersuutit pingajuat pisariinnerorpasippoq, kisianni suli suliarineqanngilaq, taanna atuarfinniit ungasingaatsiartumiippoq.

Naalakkersuisut akissuteqarlutik suli nalunaaruteqannginnerannut pissutaavoq, siunnersuutit pissutissaqarlumut suli Naalakkersuisunut saqqummiunneqanngimmata. Siunissami ingerlaqqinnissaq pillugu nassuiaataasussanik atortussanik siunnersortit suliaqareerpata, tamanna Naalakkersuisunut saqqummiunneqassaaq.

Siunnersuutit siulliit marluk atorineqarsinnaannginnerat pillugu siunnersortit nalunaaruteqarnerat tunuliaqutaralugu oqaaseqarpunga. Kisianni kommune aamma Namminersorlutik Oqartussat siunnersuutit pingajuat aqqiissutissallu allat pillugit oqaloqatigiinnerminnik nangitsissasut naatsorsuutigaara.

Inussiarnersumik inuulluqaqqusillunga

Palles Christensen